

ՄԻԱՄՆԱԿԱՆ ՔՆՆՈՒԹՅՈՒՆ

2024

ՀՈՒՆՎԱՐ - ՓԵՏՐՎԱՐ

ԱՇԽԱՐՀԱԳՐՈՒԹՅՈՒՆ

ԹԵՍՏ 4

Խմբի համարը

Նստարանի համարը

Հարգելի դիմորդ

Խորհուրդ ենք տալիս առաջադրանքները կատարել ըստ հերթականության: Ուշադիր կարդացե՛ք յուրաքանչյուր առաջադրանք և պատասխանների առաջարկվող տարբերակները: Եթե Ձեզ չի հաջողվում որևէ առաջադրանքի անմիջապես պատասխանել, ժամանակը խնայելու նպատակով կարող եք այն բաց թողնել և դրան անդրադառնալ ավելի ուշ:

Ձեր առջև դրված թեստ-գրքույկի էջերի դատարկ մասերը ազատորեն կարող եք օգտագործել սևագրության համար: **Թեստ-գրքույկը չի ստուգվում: Ստուգվում է միայն պատասխանների ձևաթուղթը:**

Առաջադրանքները կատարելուց հետո չմոռանաք պատասխանները ուշադիր և խնամքով նշել պատասխանների ձևաթղթում: Պատասխանների ձևաթղթի ճիշտ լրացումից է կախված Ձեր քննական միավորը:

Մաղթում ենք հաջողություն:

1 **Բնութագրումով որոշել հատկանիշը:**

Բնական և հասարակական ցանկացած երևույթ կամ օբյեկտ Երկրի մակերևույթի վրա ունի իր որոշակի հասցեն: Դրա փոփոխությունը կարող է փոխել նաև երևույթի կամ օբյեկտի բնույթը: Աշխարհագրական մտածողության հիմնական հատկանիշներից որի ն է վերաբերում այս բնութագրումը.

- 1) տարածականությանը
- 2) կոնկրետությանը
- 3) համընդհանրությանը
- 4) համալիրությանը

2 **Հյուսիսային կիսագնդում կեսօրին առարկաների ստվերները դեպի հորիզոնի ո՞ր կողմն են ուղղված:**

- 1) հարավային
- 2) արևմտյան
- 3) հյուսիսային
- 4) արևելյան

3 **Ո՞րն է ամենափոքր մասշտաբը:**

- 1) 1:42000
- 2) 1:420000
- 3) 1:4200000
- 4) 1:4200

4 **Նկարում ի՞նչ քարտեզագրական պրոյեկցիա է պատկերված:**



- 1) ազիմուտային
- 2) գլանային
- 3) կոնային
- 4) հասարակածային

5

Երկրի մակերևույթով անցնող և բևեռներն իրար միացնող երևակայական կիսաաշրջագիծը կոչվում է.

- 1) միջօրեական
- 2) առանցք
- 3) զուգահեռական
- 4) ուղեծիր

6

Կորիոլիսի ուժի հետևանքով Երկրի վրա հորիզոնական ուղղությամբ շարժվող մարմինները հյուսիսային կիսագնդում իրենց սկզբնական ուղղությունից շեղվում են.

- 1) ձախ
- 2) վերև
- 3) ներքև
- 4) աջ

7

Գոնդվանայի մասնատումից առաջացած պլատֆորմ է.

- 1) Սիբիրականը
- 2) Հարավամերիկյանը
- 3) Ռուսականը
- 4) Հյուսիսամերիկյանը

8

Ո՞ր օվկիանոսի ափերին են առավել ցայտուն դիտվում երկրաշարժերն ու հրաբխային ժայթքումները:

- 1) Հնդկական
- 2) Ատլանտյան
- 3) Հյուսիսային սառուցյալ
- 4) Խաղաղ

9

Ո՞ր պնդումն է ճիշտ:

- 1) Արեգակից ստացվող ջերմության քանակը կախված է վայրի աշխարհագրական լայնությունից և բացարձակ բարձրությունից:
- 2) Ջերմային բարեխառն գոտիներն ընկած են արևադարձերի միջև:
- 3) Բևեռներում Արեգակի ճառագայթները հիմնականում ընկնում են մեծ անկյան տակ:
- 4) Հասարակածում Արեգակի ճառագայթները հիմնականում ընկնում են փոքր անկյան տակ:

10

Կլիմայական քարտեզի վրա նույն պահին հավասար ճնշում ունեցող կետերը միացնող գիծը կոչվում է.

- 1) իզոթերմ
- 2) իզոբար
- 3) իզոհիպս
- 4) իզոբաթ

11

Ո՞ր ծովերն ունեն Համաշխարհային օվկիանոսի միջին աղիությունից անհամեմատ փոքր աղիություն:

- 1) Չուկոտյան և Բերինգի
- 2) Բալթիկ և Ազովի
- 3) Արաբական և Կորալյան
- 4) Կարայի և Բարենցի

12

«Լիճ — աշխարհամաս» զույգերից ո՞րն է ճիշտ:

- 1) Օնեգա — Աֆրիկա
- 2) Վերին — Ավստրալիա
- 3) Արալյան — Ասիա
- 4) Ուրմիա — Եվրոպա

13

Շյուդախտոր և փետրախտոր ո՞ր զոնային են բնորոշ:

- 1) տափաստանին
- 2) սավաննային
- 3) տայգային
- 4) անապատին

14

Ի՞նչն է բնորոշ տայգային:

- 1) լայնատերև ծառերի առատությունը
- 2) անբավարար խոնավությունը
- 3) հողի բազմամյա սառածությունը
- 4) պողոզլային հողերի գերակշռությունը

15

Եքիդնան և բադակտուցը ապրում են.

- 1) Ավստրալիայում
- 2) Հյուսիսային Ամերիկայում
- 3) Եվրասիայում
- 4) Հարավային Ամերիկայում

16

Ո՞ր օդային զանգվածներն են գերիշխում մերձարևադարձային կլիմայական գոտում:

- 1) բարեխառն և անտարկտիկական
- 2) արևադարձային և բարեխառն
- 3) բարեխառն և արկտիկական
- 4) հասարակածային և արևադարձային

17

Կղզի – պետություն է.

- 1) Իտալիան
- 2) Իսպանիան
- 3) Իրանը
- 4) Իսլանդիան

18

Էքսկլավ է.

- 1) Այասկան
- 2) Մալթան
- 3) Մոնակոն
- 4) Լետտոն

19

Բնակչության թվով գերխոշոր պետությունն չէ.

- 1) ԱՄՆ-ը
- 2) Ռուսաստանը
- 3) ՀԱՀ-ը
- 4) Հնդկաստանը

20

Բնութագրումով որոշել գետը:

Հարթավայրային գետ է: Այն Հյուսիսային սառուցյալ օվկիանոսի ամենամեծ ջրհավաք ավազան ունեցող գետն է: Ո՞ր գետն է.

- 1) Լենա
- 2) Ենիսեյ
- 3) Օբ
- 4) Պեչորա

21

Եվրասիայի բարեխառն կլիմայական գոտու վերաբերյալ ո՞ր պնդումն է ճիշտ:

- 1) Ամենամեծ տարածքը զբաղեցնում է բարեխառն մուսսոնային կլիմայի մարզը:
- 2) Ծովային կլիմայի մարզը բնութագրվում է մեղմ ձմեռով, զով ամառով:
- 3) Ցամաքային կլիմայի մարզում կլիմայի ցամաքայնությունն արևմուտքից արևելք նվազում է:
- 4) Ամենափոքր տարածքը զբաղեցնում է բարեխառն ցամաքային կլիմայի մարզը:

22

Ո՞ր ծովածոցը Բալթիկ ծովի մասն է:

- 1) Բիսկայան
- 2) Ֆիննական
- 3) Բոտնիկական
- 4) Ռիգայի

23

Օվկիանոսային ո՞ր հոսանքն է անցնում Աֆրիկայի հարավարևելյան ափերի մոտով:

- 1) Մոզամբիկի
- 2) Կանարյան
- 3) Բենգելյան
- 4) Սոմալիական

24

Ո՞ր շարքում է սննդային շղթան *սխալ*:

- 1) ցեցե — այծքաղ — առյուծ
- 2) մուկ — կոբրա — արծիվ
- 3) ընձախոտ — քարայծ — հեպարդ
- 4) կարիճ — ճագարամուկ — կոբրա

25

Ո՞ր լիճն է գտնվում ամերիկյան Մեծ լճերի կազմում:

- 1) Աթաբասկա
- 2) Մեծ աղի
- 3) Օնտարիո
- 4) Մեծ արջի

26

Հյուսիսային Ամերիկայի վերաբերյալ ո՞ր պնդումն է ճիշտ:

- 1) Ամենաբարձր և ամենացածր կետերը մայրցամաքի արևմուտքում են:
- 2) Մեքսիկական ծոցը գտնվում է մայրցամաքի արևելքում:
- 3) Հյուսիսային ափերը շատ թույլ են կտրտված, և կղզիները քիչ են:
- 4) Մեծությամբ չորրորդն է՝ Հարավային Ամերիկայից հետո:

27

Բնութագրումով որոշել նեղուցը:

Այդ նեղուցը միացնում է 2 օվկիանոս և անջատում է Հրո երկիր կղզին մայրցամաքից: Ո՞ր նեղուցն է:

- 1) Դարդանեյի
- 2) Թորենսի
- 3) Մագելանի
- 4) Բերինգի

28

Ավստրալիայում ոչ մշտապես գետերը կամ չոր գետահունները կոչվում են.

- 1) սելավներ
- 2) քրիկներ
- 3) ուեդներ
- 4) վադիներ

29

Ո՞ր կենդանին Անտարկտիդայում և հարակից ջրային տարածքներում չ/ապրում:

- 1) սպիտակ արջը
- 2) ծովափիղը
- 3) կապույտ կետը
- 4) պինգվինը

30

Ո՞ր երկրներում է բնակչության առավել համաչափ տեղաբաշխում նկատվում:

- 1) Մոլդովա և Գերմանիա
- 2) Ռուսաստան և Կանադա
- 3) Բրազիլիա և Եգիպտոս
- 4) Ավստրալիա և Չինաստան

31

Ո՞ր պնդումն է սխալ:

- 1) Բնակչության մահացության ամենաբարձր ցուցանիշները բնորոշ են աֆրիկյան երկրներին:
- 2) Բնակչության վերարտադրության առաջին տիպին են պատկանում Ասիայի և Աֆրիկայի զարգացող երկրները:
- 3) Բնակչության թվի աճի տեմպերը բարձր են վերարտադրության երկրորդ տիպի երկրներում:
- 4) Բնակչության ցածր բնական աճը բնորոշ է զարգացած երկրներին:

32

«Ժողովուրդ — ռասա» գույգերից ընտրել սխալը:

- 1) արաբներ — նեգրոիդ
- 2) շվեդներ — եվրոպեոիդ
- 3) սենեգալցիներ — նեգրոիդ
- 4) պարսիկներ — եվրոպեոիդ

33

Տարբեր ջերմաստվածությամբ օժտված ռեսուրսների տեսակները միմյանց հետ համեմատելու նպատակով պայմանականորեն ընդունված համարժեքային միավորն անվանում են.

- 1) պայմանական գիծ
- 2) պայմանական միավոր
- 3) պայմանական վառելիք
- 4) պայմանական նշան

34

Ո՞ր պնդումն է ճիշտ:

- 1) Գյուղատնտեսական մեքենաշինության ձեռնարկությունները տեղաբաշխված են զարգացած հողագործության շրջաններում:
- 2) Ավտոմեքենաշինության տեղաբաշխման վրա մեծ է հումքային ու վառելիքահենքեատիկ ռեսուրսների ազդեցությունը:
- 3) Քիմիական արդյունաբերությունն ունի խիստ սահմանափակ հումքային բազա:
- 4) Գիտատար և նորագույն տեխնոլոգիաներով հագեցած արտադրությունները կենտրոնացած են զարգացող երկրներում:

35

Աշխատողների թվով համաշխարհային արդյունաբերության առաջատար ճյուղն է.

- 1) թեթև արդյունաբերությունը
- 2) մետաղաձուլությունը
- 3) սննդի արդյունաբերությունը
- 4) մեքենաշինությունը

36

Արևմտյան Եվրոպայի պետություններից չէ.

- 1) Գերմանիան
- 2) Ֆինլանդիան
- 3) Շվեյցարիան
- 4) Ֆրանսիան

37

Հարավային Եվրոպայի վերաբերյալ ո՞ր պնդումն է ճիշտ.

- 1) Տարածաշրջանում հաճախակի են երկրաշարժերը, կան գործող հրաբուխներ:
- 2) Հարուստ է վառելիքաէներգետիկ ռեսուրսներով:
- 3) Արևադարձային կլիմայական գոտու սահմաններում է:
- 4) Ընդգրկում է Պիրենեյան, Ապենինյան և Փոքր Ասիա թերակղզիների երկրները:

38

Ընտրել «պետություն-մայրաքաղաք» համապատասխանությունների ճիշտ շարքը:

- | | |
|--------------|--------------|
| 1. Լեհաստան | ա. Բուխարեստ |
| 2. Հունգարիա | բ. Պրահա |
| 3. Ռումինիա | գ. Վարշավա |
| 4. Չեխիա | դ. Բուդապեշտ |

- 1) 1-գ, 2-դ, 3-ա, 4-բ
- 2) 1-բ, 2-ա, 3-գ, 4-դ
- 3) 1-ա, 2-գ, 3-բ, 4-դ
- 4) 1-բ, 2-ա, 3-դ, 4-գ

39

Ո՞ր պետությունն է գտնվում երկու աշխարհամասում:

- 1) Իրաքը
- 2) Սիրիան
- 3) Իրանը
- 4) Թուրքիան



քարտեզ 1

40 Քարտեզ 1-ում n° թերակղզին է պատկերված **F** տառով:

- 1) Լաբրադորյան
- 2) Ալյասկա
- 3) Ֆլորիդա
- 4) Կալիֆոռնիական

41 Քարտեզ 1-ում n° ծոցն է պատկերված **E** տառով:

- 1) Կալիֆոռնիական
- 2) Ֆիննական
- 3) Գվինեական
- 4) Մեքսիկական

42

«ԼՃեր — գոգավորության ծագում» գույգերից ընտրել *սխալը*:

- 1) Քարի, Սև — սառցադաշտային
- 2) Սևան, Վանա — տեկտոնահրաբխային
- 3) Ուրմիա, Ակնա — սողանքապատվարային
- 4) Փարվանա, Խանչալի — հրաբխային

43

Ո՞ր պնդումն է *սխալ*:

- 1) Փամբակի և Բազումի լեռները ՀՀ հյուսիսային ծալքաբեկորավոր լեռների և միջլեռնային գոգավորությունների մարզում են:
- 2) Բարգուշատի և Վայքի լեռներն ունեն ծալքաբեկորային ծագում:
- 3) Գեղամա և Վարդենիսի լեռներն ունեն հրաբխային ծագում:
- 4) Արեգունու և Սևանի լեռները ՀՀ հարավային ծալքաբեկորավոր լեռների և միջլեռնային գոգավորությունների մարզում են:

44

Ո՞ր մարզն է առավել խտաբնակ:

- 1) Արմավիրի
- 2) Արարատի
- 3) Կոտայքի
- 4) Լոռու

45

ՀՀ-ում տղամարդկանց և կանանց թվաքանակի հարաբերակցության վրա *չ/* ազդել.

- 1) տղամարդկանց շրջանում բարձր մահացությունը
- 2) բնակչության կրթական մակարդակը
- 3) արցախյան ազատամարտը
- 4) արտագնա աշխատանքի մեկնելու հանգամանքը

46

ՀՀ ո՞ր քաղաքն է տուֆի արտահանման խոշոր կենտրոն:

- 1) Արթիկ
- 2) Սպիտակ
- 3) Բերդ
- 4) Ապարան

47

Ո՞ր քաղաքի մոտ կա պղնձամոլիբդենային հանքավայր.

- 1) Աշտարակ
- 2) Ագարակ
- 3) Արտաշատ
- 4) Աբովյան

49

Քարտեզ 2-ում n^o ը հանքային աղբյուրն է նշված Գ տառով:

- 1) Լիճքի
- 2) Հանքավանի
- 3) Բջնիի
- 4) Դիլիջանի

50

Համախառն արտադրանքի ծավալով ԼՂՀ արդյունաբերության առաջատար ճյուղն էր.

- 1) թեթև արդյունաբերությունը
- 2) փայտամշակման արդյունաբերությունը
- 3) մեքենաշինությունը
- 4) հանքագործական արդյունաբերությունը

51

Ո՞ր մայրցամաքում է անագի գոտին:

- 1) Ավստրալիա
- 2) Հարավային Ամերիկա
- 3) Եվրասիա
- 4) Հյուսիսային Ամերիկա

52

Տրված բնական ռեսուրսներից որո՞վ են լեռնային տարածքները համեմատաբար աղքատ:

- 1) մետաղային
- 2) ռելիեֆային
- 3) վառելիքային
- 4) ջրաէներգետիկ

53

Շրջակա միջավայրի վրա առավել շատ բացասական ազդեցություն է թողնում.

- 1) սարքաշինությունը
- 2) կոնյակի արտադրությունը
- 3) պղնձաձուլությունը
- 4) կարի արտադրությունը

54

Ի՞նչ դեր ունի մթնոլորտում տարածվող օզոնի շերտը.

- 1) ապահովում է ներքնոլորտում օդային զանգվածների շրջանառությունը
- 2) խոնավ եղանակներին առաջացնում է լուսաքիմիական սմոգ
- 3) Երկրի վրա թթվածնի ստեղծման միակ աղբյուրն է
- 4) կլանում է Արեգակի ուլտրամանուշակագույն և տիեզերական ճառագայթները

55

Ջրավազաններն աղտոտող արհեստական նյութերից են.

- 1) գեյզերների ջրերում լուծված հանքային աղերը
- 2) հարթավայրային գետերով տեղափոխվող անտառանյութը
- 3) քիմիական պարարատանյութերը
- 4) գետերի ջրերում լուծված հանքային աղերը

56

Գրել նավարկելի ջրանցքների համարները:

- | | |
|--------------|--------------|
| 1) Բերինգի | 5) Ջոնսոն |
| 2) Պանամայի | 6) Սուեզի |
| 3) Կուկի | 7) Թաթարական |
| 4) Ֆլորիդայի | 8) Քիլի |

57

Գրել այն երկրների համարները, որոնք հանրապետություններ են:

- | | |
|--------------|-----------------|
| 1) Շվեդիա | 5) Մեծ Բրիտանիա |
| 2) Դանիա | 6) Եգիպտոս |
| 3) Լատվիա | 7) Իսպանիա |
| 4) Ֆինլանդիա | 8) Ճապոնիա |

58

Գրել այն ժողովուրդների համարները, որոնք դավանանքով ուղղափառ են:

- | | |
|-----------------|------------------|
| 1) սերբեր | 5) իսպանացիներ |
| 2) ֆրանսիացիներ | 6) չեխեր |
| 3) շվեդներ | 7) բրազիլացիներ |
| 4) բելառուսներ | 8) ավստրալացիներ |

59

Գրել այն երկրների համարները, որոնք ուրբանիզացման առավել բարձր մակարդակ ունեն:

- | | |
|--------------|--------------|
| 1) Արգենտինա | 5) Մոզամբիկ |
| 2) Հնդկաստան | 6) Բանգլադեշ |
| 3) Չինաստան | 7) Բելգիա |
| 4) Աֆղանստան | 8) Ճապոնիա |

60

Գրել Արաքսի ավազանին պատկանող վտակների համարները:

- | | |
|------------|--------------|
| 1) Ճորոխ | 5) Հրազդան |
| 2) Գետիկ | 6) Խաչենագետ |
| 3) Ձորագետ | 7) Ողջի |
| 4) Մակու | 8) Մեծամոր |

61 Գրել ՀՀ այն էլեկտրակայանների համարները, որոնք ջրային չեն:

- | | |
|-------------|-------------|
| 1) Քանաքեռի | 5) Տաթևի |
| 2) Մեծամորի | 6) Շամբի |
| 3) Արզնիի | 7) Սևանի |
| 4) Վանաձորի | 8) Չորագետի |

62 Տրված պետությունները դասավորել բնձի համախառն բերքի աճման կարգով:

- 1) Հնդկաստան
- 2) Բանգլադեշ
- 3) Չինաստան
- 4) Ինդոնեզիա

63 ՀՀ տրված ջրամբարների համարները դասավորել դրանց ջրի ծավալների աճման կարգով:

- 1) Ախուրյանի
- 2) Կեչուտի
- 3) Սպանդարյանի

64 Երկու քաղաքներ հասարակածի վրա են: Դրանցից մեկը արլ. է. 40° -ի վրա է, իսկ մյուսը՝ արմ. է. 70° -ի: Որոշել քաղաքների միջև եղած հեռավորությունը կիլոմետրով:

(65-66) Լեռան ստորոտին օդի ջերմաստիճանը 13°C է, գագաթին՝ 1°C : Ստորոտը ծովի մակարդակից 1400 մ բարձրության վրա է (հաշվարկը կատարել 6° -ով).

65 Որոշել Լեռան բացարձակ բարձրությունը:

66 Որոշել Լեռան հարաբերական բարձրությունը:

67 Որքա՞ն է երկրի բնակչության բացարձակ բնական աճը, եթե այդ երկրի բնակչության թիվը 2,5 մլն է, բնական աճի գործակիցը՝ 10%:

68

Երկրի գետային տրանսպորտի բեռնաշրջանառությունը 9 մլն տ․կմ է, իսկ բեռների փոխադրման միջին հեռավորությունը՝ 150 կմ: Որքա՞ն է տարեկան փոխադրվող բեռների ծավալը:

69

Չինաստանի վերաբերյալ տրված պնդումներից որո՞նք են ճիշտ, որո՞նք՝ սխալ:

- 1) Արդյունաբերության առաջատար ճյուղերից է մեքենաշինությունը:
- 2) Թեթև արդյունաբերության գլխավոր կենտրոնը Շանհայն է:
- 3) Աշխարհի առաջատար երկրներից է պարարտանյութերի ու ցեմենտի արտադրությամբ:
- 4) Հարուստ է ածխի և երկաթաքարի պաշարներով:
- 5) Սև մետաղաձուլությունը զարգանում է բացառապես ներկրվող հումքի հիման վրա:
- 6) Մետաղաձուլական շրջանները հիմնականում տեղաբաշխված են երկրի արևմտյան շրջաններում:

70

ՀՀ Արագածոտնի մարզի վերաբերյալ տրված պնդումներից որո՞նք են ճիշտ, որո՞նք՝ սխալ:

- 1) Տնտեսության զարգացման գործում մեծ դեր է խաղում արևմտյան մասով անցնող Երևան — Թբիլիսի երկաթուղին:
- 2) Անասնապահության ենթաճյուղերից առավել զարգացած են խոզաբուծությունն ու թռչնաբուծությունը:
- 3) Ոռոգովի հողագործության համար հիմք են հանդիսացել Թալինի և Արզնի-Շամիրամի մայր ջրանցքները:
- 4) Աչքի է ընկնում գինու, կոնյակի, կաթի և կաթնամթերքի արտադրությամբ:
- 5) Հողաբարելավման կարևոր տեսակներից է ոռոգումը և քարամաքրումը:
- 6) Միջին և բարձր գոտիներում առավել զարգացած են խաղողագործությունն ու պտղաբուծությունը: